



ЗООНОЗЫН ӨВЧИН СУДЛАЛЫН ҮНДЭСНИЙ ТӨВ

Зоонозын халдварт өвчний долоо хоног тутмын мэдээлэл

Дугаар №20



2018 оны 6-р сарын 04-08-ны хооронд

НЭГ. ТОХИОЛДОЛД СУУРИЛСАН ТАНДАЛТЫН МЭДЭЭ

Улсын хэмжээнд 2018 оны 6 дугаар сарын 08-ны өдрийн байдлаар ЗӨСҮТ-д зоонозын халдварын хүний өвчний сэжигтэй байж болзошгүй нийт **827** яаралтай дуудлагыг хүлээн авсан байна. Эдгээрийн 61(7.4%) галзуугийн эрсдэлд өртсөн, 757(91.5%) хачигт халдвар, 2(0.3%) бэтэг, 1(0.1%) хумхаа, 6(0.7%)-ийг боомын хүний өвчлөлийн сэжигтэй тохиолдол эзэлж байна.

1.1. Хачгаар дамжих халдварт өвчний сэжигтэй тохиолдол:



Архангай, Баянхонгор, Баян-Өлгий, Булган, Говь-Алтай, Говьсүмбэр, Хөвсгөл, Ховд, Хэнтий, Дорнод, Дорноговь, Дундговь, Дархан-Уул, Өвөрхангай, Өмнөговь, Орхон, Завхан, Сэлэнгэ, Сүхбаатар, Увс, Төв аймгийн 105 сум, нийслэлийн 7 дүүрэгт хачгаар дамжих халдварын 757 тохиолдол мэдээлэгдсэн нь өмнөх оны мөн үеэс 21.3%-иар, эпидемиологийн 22-р долоо хоногтой харьцуулахад 22.8%-иар тус тус буурсан үзүүлэлттэй байна.



6 дугаар сарын 08-ны өдрийн байдлаар хачигт риккетсиоз 87(11.5%), хачигт боррелиозын 16(2.1%), хачигт энцефалит 5(0.7%) тохиолдол тархвар судлал, эмнэлзүй, лабораторийн шинжилгээгээр онош батлагдаж, 75 тохиолдлын онош үгүйсгэгдээд байна.

1.2. Галзуу өвчний эрсдэлд өртсөн тохиолдол:

Архангай, Баян-Өлгий, Ховд, Хөвсгөл, Хэнтий, Өвөрхангай, Өмнөговь, Говь-Алтай, Дундговь, Дорноговь, Завхан, Сэлэнгэ аймгийн 25 сум, нийслэлийн 4 дүүргээс галзуу өвчний эрсдэлд өртсөн нийт 60 тохиолдол мэдээлэгдсэн нь өмнөх оны мөн үеэс 38.1%-иар буурсан.



1.3 Боомын хүний өвчний сэжигтэй тохиолдол:

Ховд, Төв, Дорнод аймгийн 4 суманд боомын арьсны хэлбэрийн хүний өвчлөлийн сэжигтэй 6 тохиолдол бүртгэгдсэн. Тархвар судлал, эмнэлзүйн шинж тэмдэг, лабораторийн шинжилгээгээр тохиолдол үгүйсгэгдсэн байна.

1.4 Бэтгийн хүний өвчлөлийн сэжигтэй тохиолдол:

Увс аймгийн Улаангом сум, нийслэлийн ХУД-ээс бэтэг өвчний онош тодруулахаар 2 хүний шинжилгээний материал ЗӨСҮТ-ийн лабораторит хүлээн аваад байна.

1.5 Хумхаа өвчний сэжигтэй тохиолдол:

Канад улсын иргэн. Өвчтөн “D” 34 настай, эмэгтэй. 2018 оны 3 дугаар сарын 16-29-ний хооронд Индонез улсад зорчих үедээ шумууланд хазуулсан өгүүлэмжтэй. 3 дугаар сарын 31-ний өдөр толгой өвдөх, дотор муухайрах, бүх бие янгинах, гүйлгэх шинж тэмдэг илэрч, Интермед эмнэлэгт 4 дүгээр сарын 01-ний өдөр хэвтсэн.

Хариу арга хэмжээ:

- Интермед эмнэлэгт 4 дүгээр сарын 01-ний 14 цагийн орчимд ЗӨСҮТ-ийн дуудлагын баг газар дээр нь очиж ажилласан.
- Өвчтнийг тусгаарлаж, хумхаа өвчний онош тодруулахаар сорьц дээжилж, ЗӨСҮТ-ийн лабораторид нян судлал, ийлдэс судлал, молекул биологийн шинжилгээгээр цусанд хумхаа өвчний үүсгэгчийн ДНХ тодорхойлогдоогүй онош үгүйсгэгдсэн.

1.5 Мэрэгч амьтны дуудлага:

2018 оны гарсаар нийслэлийн 6 дүүрэгт (БЗД, БГД, ХУД, СБД, СХД, ЧД)-ийн хэмжээнд нийт 19 удаагийн амьтны дуудлаганд үйлчилж, хураагдсан сорьц материалыг ЗӨСҮТ-ийн лабораторид шинжлэхэд тарваган тахал түүнтэй хам тохиолдох өвчин үүсгэгч илрээгүй байна.

ХОЁР. ТУХАЙН 7 ХОНОГТ БҮРТГЭГДСЭН ЗООНОЗЫН ШАЛТГААНТ ҮЙЛ ЯВДЛЫН МЭДЭЭ

Монгол улсад:

Мал, амьтны галзуу өвчин:

Ховд аймгийн Мөст сумын 2-р багт 5 дугаар сарын 15-ны өдөр малчин айлын 15 үхэрт мал амьтны галзуу өвчний шинж тэмдэг илэрч, дээж авч Аймгийн ХХААГазрын төв лабораторийн шинжилгээгээр галзуу өвчнөөр өвчилсөн болох нь тогтоогдсон байна. Сумын голомт хяналтын эмч, хүн амд биеийн үзлэг хийж, галзуу өвчнөөс сэргийлэх, сургалт сурталчилгаа хийсэн.

Мал, амьтны галзуу өвчин:

Хөвсгөл аймгийн Төмөрбулаг сумын Бүгдгээн багийн “Хавчгийн шар булаг” гэдэг газар 5 дугаар сарын 29-ны өдөр малчин айлын 1 ишигт мал амьтны галзуу өвчний шинж тэмдэг илэрч, дээж авч Аймгийн МЭАЦЛ-ийн галзуу өвчнөөр өвчилсөн болох тогтоогдсон байна.

Авч хэрэгжүүлсэн хариу арга хэмжээ:

- Тус суманд 14 хоногийн хугацаатай хязгаарлалтын дэглэм тогтоосон
- 1110 мкв талбайг халдваргүйжүүлсэн
- Голомтот нутгийн 43 өрхийн 143 хүн амд галзуу өвчнөөс сэргийлэх сургалт, сурталчилгаа хийсэн.
- 123 хурга, ишиг, 590 хонь, ямаа болон 35 айлын 49 нохойг вакцинжуулсан.

Эх сурвалж: Хөвсгөл аймгийн ЗӨСТ


Мал, амьтны галзуу өвчин:

Баянхонгор аймгийн Эрдэнэцогт сумын 5-р багт 5 дугаар сарын 24-ны өдөр малчин айлын 1 үхэрт мал амьтны галзуу өвчний шинж тэмдэг илэрч, дээж авч Аймгийн ХХААГазрын төв лабораторийн шинжилгээгээр галзуу өвчнөөр өвчилсөн болох тогтоогдсон байна. Голомтот нутгийн 1 өрхийн 8 хүнд үзлэг хийж, галзуу өвчнөөс урьдчилан сэргийлэх, сургалт сурталчилгаа хийсэн. 1 хүнд галзуу өвчний эсрэг вакцин урьдчилан сэргийлэх тунгаар хийсэн.

Олон улсад:


Эбола вирус халдвар:

6-р сарын 04-нөөс, 6-р сарын 03-ны хооронд Бүгд Найрамдах Ардчилсан Конго улсын Экватор мужийн эрүүл мэндийн бүсээс Эбола вирус халдварын 56 тохиолдол бүртгэгдэж, 25 нас баралт, 37 батлагдсан тохиолдол мэдээлэгдсэн.



Зураг 1. ЭВХ-ын тархалт 2018.06.03-ны байдлаар


Эбола вирус халдвараар бүх насныхан өвчилснөөс 41 насны хүмүүст өндөр, хүйсийн хувьд 61% нь эрэгтэйчүүд зонхилон өвчилсөн байна.



Эх сурвалж: ДЭМБ

Малын шүлхий өвчин:

Малави улсын Өмнөд хэсгийн Нено мужид шүлхий өвчний улмаас, 164 үхэр өвчилсөн байна. Тус голомтот хязгаарлалтын дэглэм тогтоож, хариу арга хэмжээг хэрэгжүүлэн ажиллажээ.



Эх сурвалж: ДАЭМБ

Африкийн гахайн халуурал өвчин:

Унгар улсын Хэйвэс хотын Гуангуос мужийн ойд африкийн гахайн халуурал өвчнөөр 1 гахай өвчилж үхсэн байна.

Эх сурвалж: ДАЭМБ

Шувууны томуу өвчин:

БНХАУ-ын Тайвань хотын Донгши мужийн шувууны аж ахуйд, шувууны томуугийн H5N2 вируст халдварын улмаас 13416 шувуу өртөмхий байснаас, 321 шувуу өвчилж үхэн, 13095 шувууг устгасан байна. Тус бүсэд хязгаарлалтын дэглэм тогтоож, хариу арга хэмжээг хэрэгжүүлэн ажилласан байна.



Эх сурвалж: ДАЭМБ

Баруун нилийн халуурал өвчин:

Бразил улсын Эспириту Санту мужийн аж ахуйд баруун нилийн халуурал өвчний улмаас 1 адууг устгаж, хариу арга хэмжээг хэрэгжүүлэн ажилласан байна.

Эх сурвалж: ДАЭМБ